

毛

詩

原

解

毛詩原解卷二

召南

召岐周地名召公奭之采邑風名召南而詩非召詩皆王教也周南首善岐豐王者之風召南教行南國諸侯之風也周南亦有南國詩如江漢汝墳化出周達召南無周詩專言化之及遠也周南醇懿粹美覺宇內雍熙召南轉移變動氣運方新皆始于閨門而達于邦國也

維鵲有巢維鳩居叶之之子于歸百兩亮御之○維鵲有巢維鳩方之之子于歸百兩將之○維鵲有巢維鳩

盈之之子于歸百兩成之

古序曰。鵲巢夫人之德也。毛公曰。國君積行累功。以致爵位。夫人起家而居有之。德如鳴鳩。乃可以配焉。○朱子改爲南國諸侯被文王之化。詩人美其嫁娶而作非也。序但言夫人之德。不言爲某諸侯夫人。則凡爲諸侯夫人者。皆當有是德也。德何如。王后妃之德。厚載以承天。故關雎思賢君夫人之德。靜專以守成。故鵲巢無爲。然則何以首召南。召南者。諸侯之風。諸侯教國先教家。召南先夫人之德。猶周南先后妃之德也。然則非文王之事與。曰是也。而不必當文王。

時米有君夫人如此者文王教之則皆欲其如此也
若朱傳云南國諸侯能正心脩身以齊家其女子有
專靜絕一之德則是紂時有二文王兩大奴也豈其
然乎故毛公謂國君積功累行意以文王當之而亦
不專指文王又云夫人起家居而有之意以大奴當
之而亦不專指大奴見詩人所以詠歌聖人所以編
次二南皆風後世人主齊家治國之道非按事指據
也然則謂爲文王之化何也文王爲天子教天下則
后妃之德關雎也文王爲諸侯教國人則夫人之德
鵲巢也蓋教于王畿必始關雎教于列國必始鵲巢

其比鵲巢何也。春鳥巢居。正婚姻之時。鵲爲巢。木杪最高大。不取墮枝。有尊貴之義。自冬至春始成。有積功累行之義。戶牖背歲向太陰。有下女之義。鳩鵲鳩。一名鵲。鵲南方之鳥。不自爲巢。遇鵲巢。則託之。鵲亦安之。他鳥未有若是者。故爲受成之比。鳥唯鳩多族。天子諸侯之配。皆以鳩比。而雕鳩變化。以比王后。鳩守成。以比君夫人。君夫人比鳩。鳩何也。王者開創。諸侯襲享。封國故。周公作梓材曰。以厥庶民暨厥臣。達大家。以厥臣達王。惟邦君邦君無爲受成。而其夫人可知矣。大雅曰。哲夫成城。哲婦傾城。小雅曰。無非。

無儀無父母貽罹君夫人而欲有爲毀巢之道也故
曰鵲巢夫人之德○一章鵲之有巢積累勤矣鳩以專
一之性不勞而來居之我公侯奄掩有國家得之子
之賢以居中治內百兩親迎豈曰不宜○二章鵲之有
巢鳩來方之之子來歸宗廟有主百兩相送不亦宜
乎○三章鵲之有巢鳩來盈之之子來歸內官充牣百
兩成禮不亦宜乎○鴈鳩南方之鳥故召南首以爲
北考工記云鸛鵒不踰濟濟北地水名春秋書鸛鵒
來巢以魯地先無鸛鵒而來巢尤反常鸛鵒不自巢
也之子指夫人百兩車百乘也一車兩輪故謂之兩

御古迓通迎也。方所也將送也。盈滿也。言生子衆也。
成成禮也。

鵲巢三章章四句

于以采蘋于沼于汙于以用之公侯之事○于以采蘋
于澗之中于以用之公侯之宮○被之僮僮同夙夜在
公被之祁祁薄言還旋歸

古序曰采蘋夫人不失職也。毛公曰夫人可以奉祭
祀則不失職矣。○朱子改爲南國諸侯夫人被文王
之化家人敘其事以美之非也。夫人猶前鵲巢夫人
不必定求其人而詩皆文王所以脩身齊家教南國

者也。序謂不失職何也？諸侯冕而親迎，以重宗廟。故脩籩豆奉祭祀。君夫人之職也。然必有鵲巢之德，有親操之勤，有齊莊之容，然後可以奉祭祀。若采蘋夫人斯可矣。惟文王大妣足以當之。苟南國諸侯夫人有若此者，亦大妣之教、文王之化而詩非必實有其人也。朱子謂美其君夫人而作，固矣。○章一禮公侯祭祀則夫人薦豆。蘋可實豆也。采于沼沚之濱，欲何用之以供公侯祭祀之事也。○章二蘋生于水，采之必于山澗之中。祭行于廟，用之必于公侯之宮。○章三將祭之夙夜，夫人在廟視其首飾，僮僮然竦立而敬也。旣

祭而退視其首飾。祁祁然舒遲而歸也。○繁。白蒿。春
月始生。香美可爲菹。及秋爲蒿。青蒿高。白蒿繁。葉粗
于青蒿。俗謂之蓬蒿。沼。池也。小洲曰渚。小渚曰汙。事
祭祀之事。宮宗廟也。山夾水曰澗。被首飾也。取刑人
或賤者之髮。被婦人之紒。計而爲首飾。其制有副。編
次三等。詳見周禮。其服則翟衣也。夙夜昧爽之交也。
僮僮竦敬也。祁祁舒遲也。將去不遽去。敬未忘也。敬
不可見。觀首飾之容可知也。

采繁三章。章四句。

嘒嘒大草蟲。趯趯剔阜甫螽。未見君子。憂心忡忡。充亦

既見止亦既覯止我心則降叶○陟彼南山言采其蕨
未見君子憂心惓惓叶亦既見止亦既覯止我心則
說悅○陟彼南山言采其薇未見君子我心傷悲亦既
見止亦既覯止我心則夷宜

古序曰草蟲大夫妻能以禮自防也○朱子改爲大
夫行役在外其妻獨居感時思夫而作非也毛傳謂
大夫妻初嫁來能以禮自防是矣稱妻者自嫁後既
覯君子而言草蟲阜螽皆螽斯之屬性善羣故以爲
比蕨一名鼈脚可以茹薇細豆苗可以和羹皆中饋
之事草蟲躍蕨薇生仲春之會也蕨之言別也女子

遠父母之喻微之言微也女子寡小自謙之喻知爲
大夫妻者據編詩首鵲巢君夫人初嫁也次采蘋卽
君夫人之職此章大夫妻初嫁也次采蘋卽大夫妻
之職女子之嫁父母命之曰往之汝家必敬必戒新
婦入門良人未習私懷憂慮不以新昏爲喜一則曰
憂心忡忡再則曰憂心惓惓三則曰我心傷悲未見
君子憂不釋旣見不觀憂猶不釋必其旣見旣觀憂
心始平如此自防可不謂知禮者乎然詩亦非必其
新婦自作蓋詩人詠王化所從來見文王所以教南
國莫非以禮齊家之事也

一章草蟲阜螽兩物而其

類同草蟲鳴則車螯躍倡隨之義也昔者之來君子
未親懼無德與汝或忝厥配憂心忡忡不寧也未見
君子此憂不降見而未覲憂猶不降及今既見既覲
心乃降耳○乾視彼登山者所求在歲昔者之來恐
違夫子憂心惓惓既見既覲然後心悅耳○乾彼登
山者所需在薇昔者之來遠我父母憂心傷悲既覲
君子心始平耳○草蟲阜螽皆蝗屬同類而異種嘒
嘒鳴也超超躍也見相視也謂同牢以前覲相親也
謂成昏以後見踈而覲密也忡忡猶衝衝降下也歲
山菜名鼈腳者初生無葉似之薇亦山菜卽今野豌豆

別豆苗可爲羹芼夷平也

草蟲三章章七句○愚按是詩謂初嫁之女自防則爲守禮謂獨居之妻思夫則爲鍾情小雅以勞歸士體其情也召南以詠賢妻貴其禮也是故序確而正于以采蘋平南澗之濱于以采藻早于彼行潦老○于以盛成之維筐及筥舉于以湘之維綺以及釜府○于以奠之宗室牖有下虎誰其尸之有齊肅季女

古序曰采蘋大夫妻能循法度也毛公曰能循法度則可以承先祖共祭祀矣序于諸侯妻奉祭言不失職于大夫妻奉祭言能循法度何也君脩法度臣

奉法度者也。故君不祭爲失職，臣不祭爲廢法度。凡祭備物行禮，主婦職中饋，薦豆採取烹芼，器皿奠獻莫不各有法度。大夫三廟，宗子繼嫡世爲大夫，其廟爲宗室，非宗子而爲大夫，其廟亦建于宗子之家。祭則夫婦往，宗子家親之，此皆所謂法度也。詩詠季女，大夫妻也。主八非宗，故其妻稱季，猶言少婦，以別于宗婦也。箋因季女之文，遂謂大夫妻之未嫁者，教于宗室三月，告成于祖之祭，然序旣言妻，非未嫁之女，女未嫁而出采蘋藻，非法度也。未嫁而親主祭于宗室，尤非法度也。箋說附會詩辭，與序不合。朱子改爲

南國大夫妻被文王之化家人敘事美之尤拘也所謂大夫妻者言凡爲大夫妻皆當如是言妻而大夫可知亦猶諸侯妻之有采蘋云爾○章蘋可薦也于何采之生彼澗濱藻可薦也于何采之生彼行潦○章何器以盛之筐與筥也何器以烹之錡與釜也○章三奠之何處太宗廟室之牖下也何人主之齊莊之少婦也○蘋萍之大者荇屬浮生水面藻聚生水底皆可爲菹爲羹芼也南南山也山夾水曰澗水邊曰濱行路也潦積水也古者井田路在井上其傍溝洫積水古人五祀祭井亦謂之祭行也盛之盛蘋藻也

湘烹也。錡釜屬有足曰錡，無足曰釜。奠置于地也。宗室，宗子家廟也。世嫡謂之宗堂，後謂之室。大夫祭于室，無堂事也。牖下室之西南牖下，齊莊敬也。季女庶子爲大夫者之妻，猶言娣婦庶婦也。

采蘋三章章四句

蔽芾_廣甘棠，勿剪勿伐，召_邵伯所茇_跋。○蔽芾甘棠，勿

剪勿敗_叶，召_叶伯所憩_器。○蔽芾甘棠，勿剪勿_叶，召_叶伯

所說_稅

古序曰：甘棠，美召伯也。毛公曰：召伯之教明於南國。○甘棠，常棣也。其實甘曰棠，仁者之澤似之，故以爲

比召公爲西伯大夫敷教南國嘗舍止棠下後人思
之託樹以致遺愛焉棠梨屬梨言離也去思之比夫
召伯之教皆文王之教也人服召伯之教愛召伯而
不知教所自來此謂民日遷善而不知爲之者觀民
思召伯而文王之化可知也按召公當文王時未稱
伯亦足以徵二南之詩不作于文王之世明矣○章一
蔽芾然茂盛之甘棠凡我南人勿翦伐之昔者召伯
嘗于此草舍焉○章二蔽芾甘棠勿翦壞之昔者召伯
于此憩息焉○章三蔽芾甘棠勿翦折之昔者召伯于
此說止焉○蔽芾蔭翳盛貌甘者曰棠澀者曰杜皆

梨屬草舍曰茭憩息也拜屈其枝至地如人拜也說作稅舍也

甘棠三章章三句○是詩語緩而情切辭約而旨深不言召伯之仁有言所不能盡者千古去思此爲首唱

厭業

邑

行露豈不夙夜

叶

謂行多露

○誰謂雀無角

何以穿我屋誰謂女無家

叶

何以速我獄雖速我獄

室家不足○誰謂鼠無牙何以穿我墉誰謂女無家

與牙

叶

何以速我訟

叶

雖速我訟亦不女從

古序曰行露召伯聽訟也毛公曰衰亂之俗微貞信

之教興彊暴之男不能侵陵貞女也○霜化爲露仲
春之會也女子幽貞爲彊暴所搆而辱在泥塗自視
不勝沾濡故以厭浥行露爲比雀鼠比小人角牙比
爭辯雀有角鼠有牙比無情皆詩人賦貞女之辭貞
女守禮男子強求故訟守禮者文王之教而訟則紂
之餘風也朱子改爲貞女自述已志豈以聖人使民
無訟序言聽訟非邪虞芮質成亦訟也姜里之獄文
王身不得免焉孔子無訟之說爲不知本者言耳非
謂聖人有訟弗聽也舜爲天子臯陶爲士夫非聽訟
者邪○章春草方生霜化爲露正嘉禮之期厭浥然

道上之露方降矣。儻通媒妁。備六禮。旭日奠鴈。昏夜
親迎。我豈不往。今無禮而亂以相干。則厭浥之道成
泥中矣。吾豈肯行乎。○章二汝謂雀有角。故穿我屋。屋
則穿矣。雀實無角。汝未嘗有室家之禮。而乃致我于
獄。獄雖成矣。禮實不足。使我往。汝則雀生角矣。○章三
汝謂鼠有牙。故能穿墉。墉則穿矣。鼠實無牙。汝未嘗
有室家之禮。而致我于訟。訟卽構矣。我終不從。欲我
從。汝則鼠生牙矣。○厭浥。濕貌。行路也。牙。大齒。墉。牆
也。速。猶召也。家。謂女受男聘。以男爲家也。此訟者之
辭。

行露三章一章三句二章章六句○誦此詩者想見
貞淑之氣如疾風勁草挺然孤秀女有壯節非婉孌
柔質而已者召伯聽斷明允使幽貞之情得伸雪于
濁世文王之教遠矣詩人亦善于占誦矣

羔羊之皮

剡素絲五紵

退食自公

委蛇

威蛇

委蛇○

羔羊之革

剡素絲五紵

委蛇

委蛇

自公

退食

剡

○羔

羊之縫

素絲五總

剡

委蛇

委蛇

退食

自公

古序曰羔羊鵲巢之功致也毛公曰召南之國化文
王之政在位皆節儉正直德如羔羊也○羔羊云鵲
巢之功猶象上云后妃之化也始于宮幃達于朝廷

宮幃有專靜均一之德故朝廷有節儉正直之風節
儉故衣服有常正直故進退有度羔裘者大夫之法
服羊性柔順能羣逆牽之則不進故易象牽羊以比
正直裘皮界方有正直之象而聯之以絲羔小裘美
用皮多紕之以絲亦多羊大皮少絲止用五色又素
故曰節儉其儀度安重難進易退故曰德如羔羊也
○章一大夫朝服以羔裘紕之以組色惟素而數止五
退朝而食出自公門禮度雍容委蛇如也○章二羔裘
之革素絲飾紕其數惟五彼服此者氣象委蛇自公
所而退食也○章三羔羊之縫素絲飾總其數惟五彼

服此者氣象委蛇退食自公所也○羊小曰羔諸侯大夫皆羔裘而緣飾異耳紃拖通猶加也以組拖其皮界聯合之也絨域通縫總皆聯合之名合皮成裘其界非一織素絲爲組揜其縫際曰紃組條也綬類今世綬如繩不可以紃古綬織絲如今鸞帶然尚書顧命席用紛紃是也退食退朝食于家也自公自公門出也委蛇與君子偕老之委佗同或讀作威儀韻不叶意相通

羔羊三章章四句

殷

隱

其雷在南山之陽何斯違斯莫敢或遑振振真君

子歸哉歸哉洲○殷其雷在南山之側何斯違斯莫敢
遑恤振振君子歸哉歸哉○殷其雷在南山之下剡何
斯違斯莫或遑處聲上振振君子歸哉歸哉

古序曰殷其雷勸以義也毛公曰召南之大夫遠行
從政不遑寧處其室家能閔其勤勞勸以義也○此
詩猶周南之有汝墳大夫有此妻是鵲巢之化行而
大夫克家亦可知已其託詠殷雷亦猶汝墳之王室
如燬也西伯率南國大夫以服事殷故婦人以天威
比王命殷雷聲比殷商也南國至朝歌千有餘里而
紂虐遠及故曰雷在南山之陽何斯違斯傲之以思

也莫敢或遑勉之以勤也振振美之也歸哉憂之也
哀而不傷怨而不怒親愛而不忘公義如此婦人豈
非鵲巢之流亞與然詩亦不必卽其婦人自作朱子
改爲婦人思夫則降而爲變風亦可何貴爲二南○
章一殷其雷乎在彼南山之陽天威無弗届也人孰無
家何此君子獨去此而不敢少暇得非分無所逃邪
振振君子久勞于外尚其歸哉○章二殷其雷乎在南
山之側天威不測也君子去此不遑豈非義不敢息
乎振振君子尚其圖歸可也○章三殷其雷乎在南山
之下天怒且及矣君子去此不遑豈非義不敢安處

乎。振振君子，尚及生還可矣。○雷與雷同。山南曰：陽
大夫以西伯之命供紂之役，不敢質言，故曰何斯斯。
指君子違斯去家也。振振猶真，仁厚貌。君子指其
夫行役者，蓋諸侯之大夫。西伯率以事紂者，
殷其雷三章章六句。

標界有梅其實七兮。求我庶士，迨其吉兮。○標有梅其實
三叶兮。求我庶士，迨其今兮。○標有梅頃筐叶之
求我庶士，迨其謂之。

古序曰：標有梅，男女及時也。毛公曰：召南之國被文
王之化，男女得以及時也。○朱子改爲女子以貞信。

自守懼其嫁不及時而有強暴之汙非也爲詩辭嫌于女求男故周旋其說愚謂男女居室人情耳葛覃之告歸非后妃自告邪商紂之季王室如燬男女失時文王化行而閭閻安樂故女子感時思歸猶園風采桑之女殆及公子同歸王民皞皞之象王道本人情標梅人情之至也顧其詩非必卽出其女之口而當世民情有家之願宛然情雖切而不苟且遷就往必待求求必以時文王之教也託詠于標梅何也梅之言媒也孟春梅始華華落則實實漸多則華漸少仲春至婚姻之期矣而詩託詠不于男于女何也詠

于女子而後見性情之至。二南之化皆自中閨始也。
○章一梅花落而成實。在樹者十之七耳。春將半矣。衆
士以禮求我。其及此吉日乎。過此非其時矣。○章二梅
花落爲實。存者十之三耳。時漸迫矣。求我庶士。其及
今日可乎。○章三梅花落而盡矣。未幾實熟而傾筐。日
至矣。求我庶士。其惟及今日通媒妁之言乎。○標落
也。梅。梅花實。梅子。七三以十爲率。皆言花也。實三則
花七。實七則花三。求徵聘也。迨及也。吉吉日也。傾欹
也。筐形偏欹。堅。堅通言將及也。實熟摘之盛以筐也。
謂通辭也。

標有梅三章章四句

嘒^非彼小星三五在東蕭蕭宵征夙夜在公寔命不同

○嘒彼小星維參^森與昴^叶蕭蕭宵征抱衾與裯^{傳寔}

命不猶

古序曰小星惠及下也毛公曰夫人無妒忌之行惠及賤妾進御於君知其命有貴賤能盡其心矣○小星夫人猶鵲巢采蘋之夫人也朱子謂能不妒忌以惠下是也謂南國夫人被文王之化衆妾美之而作則拘矣詩人歌此爲凡君夫人者皆當如是妒忌女惡之大者不妒忌女德之大者后妃之關雎亦惟思

窈窕無傷善之心而已。君夫人而使其衆妾皆得進御，安其分而無怨言，則亦有關雎之風矣。其以小星比何也？不敢自同于大明也。猶諺云：衆星不敵月之意。衆妾進御，昏入晨出，昏入則星見于東，晨出則星見于西，卽往來所見爲比。然詩亦非必其進御之妾自作也。○章：噤然，小明之星，稀疎三五在天之東，日入初昏時也。此時整齊宵行，適彼公所，雖云勤勞，貴者當逸，賤者當勞，所賦之命寔與夫人不同。敢憚勞乎？○章：噤，彼小星，維參與昴，將旦時也。肅肅宵行，抱持衾帳，自公所而退，往來雖勤，貴賤之命寔不相猶。

耳○嘒小明也三五稀疎也參與昴西方二宿名參一名伐昴作桺桺者畱也物至西成而畱也桺與參連體成六星故旂綴于繆者爲旒以像伐也宵征夜行也晨昏未明皆謂之宵寔與實同裋與幬通一作幬不猶不相若也

小星二章章五句

江有汜史之子歸不我以不我以其後也悔毀○江有渚處之子歸不我與不我與其後也處○江有汜此之子歸不我過戈不我過其嘯也歌

古序曰江有汜美媵印也毛公曰勤而無怨嫡能悔

過也。文王之時，江沱之間，有嫡不以其媵備數。媵遇勞而無怨，嫡亦自悔也。○禮諸侯一娶九女，二國媵之。夫人與媵各有姪，有嫡爲九。夫人進御，君所則媵從嫡，初歸不以媵備進御之數，或至勞使之，媵亦不怨。嫡感而悔，詩人作此美媵，見媵之賢而嫡所以能悔，皆關雎之化也。其以江有汜比何也？物無情莫如水，而江以納衆流，故能大。物大則小者從，媵之從嫡亦猶是耳。支流分而復合，比媵始棄而終見收也。然何以明其不爲美嫡？詩代爲媵言，則爲美媵也。以汜自比，以江比嫡，賢女恭順之辭。小星自託，以日月之

光比夫人江汜自況以洪流之量比正嫡知命守分
所以爲賢女而朱子改爲媵待年于國嫡不與偕行
後嫡悔而迎之媵作此詩非也蓋惑于鄭箋獨畱不
行之語彼所謂不行者不同宮中進御之行非謂在
母家不同嫁也如待年不行豈得怨嫡嫡亦何從而
勞使之○章一江水大矣交流小分旋復會合之子初
歸獨棄我不用將謂終焉矣何幸其後之能悔也○
章二江有渚尚相容之子初歸屏我不與然亦暫耳至
于今我得安處矣○章三江有汜尚相隨之子始歸止
我而不過我是用嘯今我暢然而歌矣○水決出復

入曰汜以用也渚小洲也江之分流者爲沱沱之言
他也過猶往也嘯舒憤聲與歎同王風條其歎矣

江有沱三章章五句

野有死麇

君與春叶

白茅包

叶

之有女懷春吉士誘之○林

有樸卜檝

速

野有死鹿白茅純

厭

束有女如玉○舒而

脫脫

覓

今無感我悅

稅

今無使老

旁

也吠廢

古序曰野有死麇惡無禮也毛公曰天下大亂彊暴

相陵遂成淫風被文王之化雖當亂世猶惡無禮也

○是詩朱子改爲女子自守不爲彊暴所污詩人因

所見以美之近似而古序必曰惡無禮何也蓋紂時

淫昏成俗而羞惡之心人所自有文王化行皆知無
禮之可惡故詩不貴其貞潔而貴其知恥知恥自不
屑不潔此導民之本格心之化也序言及此非經聖
裁未易苟作麇鹿比奔也死麇死鹿如惡惡臭醜詆
之辭也末章述女子羞惡之情言羆吠則狗疑惡之
矣如朱說因所見是必詩人真適野見死麇死鹿士
以茅包苴遺女女罵于室犬吠于門因賦此詩則何
以異于說夢凡朱子言詩類此○章一麇性淫而善奔
野有旣死之麇穢物也以白茅之潔包取之淨垢失
其倫矣女子仲春緬懷嘉禮良士以禮徵聘可也何

乃無禮而誘之乎○二樸檉然小林之野有死鹿焉
以白茅之潔裹之汙斯茅矣彼女清潔如玉可以不
潔累之乎○三女拒之若曰爾勿恃其彊暴尚舒然
而脫脫循理安詳可也男女有別勿感動吾之巾幌
感幌則近吾身矣彼此素無往來勿使吾之犬吠犬
吠則近吾家矣其惡而遠之如此可謂別嫌明微之
至者矣○麇麇也似鹿而小白茅茅華潔白周禮仲
春大會男女故求婚謂之懷春吉士良士也樸檉小
林也絕與屯通絕束包之也舒從容也脫脫舒貌幌
拭物巾女所佩也老犬之多毛者暴客至則犬吠

野有死麋三章二章章四句一章三句

何彼穠矣

與離叶

矣唐棣

弟之華

花

曷不肅離王姬之車

又

○何彼穠矣華如桃李平王之孫齊侯之子○其釣維

何維絲伊緡

民

齊侯之子平王之孫

古序曰何彼穠矣美王姬也毛公曰雖則王姬亦下

嫁於諸侯車服不繫其夫下王后一等猶執婦道以

成肅離之德也○召南有此王姬猶周南有公子皆

王教所漸也王姬雖嫁諸侯而其儀衛較諸侯尤貴

能不以貴驕其夫車馬僕從謙恭和順是以可美朱

子謂爲武王以後詩是矣疑平王爲東遷之宜曰齊

侯爲齊襄公諸兒。非也。二南皆追誦文王齊家治國
平天下之化。所謂平王齊侯云者。如書大誥稱武王
爲寧王。酒誥稱爲成王。商頌稱契爲玄王。易云康侯
周禮云寧侯皆非定諡也。平正也。齊一也。如均平蕩
平。齊聖狗齊云爾。皆美其祖父之德。見男女家教有
本。卽文王之孫下嫁諸侯者也。若謂東遷以後之王
詩當入王風。宜曰諸兒名字何足辱簡策。而廁諸二
南乎。比唐棣何也。唐棣之華。併蒂攢簇。有類聚親睦
之象。故以比兄弟昏姻。桃李多子。釣絲牽連。故比男
女也。○章一何彼穠然而盛者。乃唐棣之華。開而能合。

猶二姓之好也。今此肅肅雝雝氣象謙冲者。乃王姬之車。殊無驕貴之容也。○章何彼穠然而盛。桃與李之華。交相輝映也。今者之婚。女以治平之王爲祖。男以脩齊之侯爲父。其賢其貴。皆相稱也。○章三。相彼釣者。求魚合絲。以爲緝。乃可引也。齊侯之子。求妻而得。平王之孫。得其所求矣。○穠濃盛也。曷。何通肅敬也。雖和也。車。往送之車。王姬車制。下王后一等。卽周禮所謂厭翟也。諸侯夫人。則翟車耳。詳見周禮春官巾車之職。緝。繩也。合絲爲之。釣。以絲繩繫鉤。以餌魚也。○何彼穠矣。三章。章四句。

彼茁

拙

者葭

加

壹發五豝

已

吁

嗟乎騶虞

科○彼茁

者蓬壹發五豝

宗

于嗟乎騶虞

科

古序曰騶虞鵲巢之應也。毛公曰鵲巢之化行人倫
既正朝廷既治天下純被文王之化則庶類蕃殖蒐
田以時仁如騶虞則王道成也。○周南終麟趾而國
族張故爲關雎之應召南終騶虞而品物遂故爲鵲
巢之應蓋好德者其子孫必賢安靜者其發生必盛
化始宮幃近孚遠應非襲取也。朱註以爲文王之化
是矣云美南國諸侯非也蓋召南雖諸侯之詩非必
諸侯能爲召南言文王所以教南國者仁及鳥獸草

木功贊化育。非聖人不能。而于召南言之者。以終之也。南方卑濕。多生蘆葦。野獸成羣。故以爲比。非謂鵲巢獨能致騶虞。關雎獨能致麟趾也。以麟應鳩。以騶應鵲。比類屬辭。非專主鳥獸也。毛云。仁如騶虞。則是真以騶虞爲獸。配麟。後儒因謂騶虞白虎黑文。或謂騶虞尾長于軀。引漢武帝獲異獸。騶牙爲徵。蓋因虞叶作牙。而附會之。不足信也。騶虞本二官名。月令。田獵。命僕及七騶。春秋傳。晉悼公使程鄭爲御。六騶屬焉。蓋騶乘御。掌馬之官。書。舜命益作虞。周禮有山澤之虞。掌禽獸之官。射義云。天子以騶虞爲節。樂備官。

也田獵備官而所取不多五豕而殺一其仁也如此
故歎美之不敢斥君而呼騶虞騶虞之仁君之仁也
○章一我侯于田彼茁然而長者吾見諸葭焉草木之
蕃可知一發矢而遇五豕焉禽獸之多可知前禽五
而僅殺一取之不盡吁嗟仁乎我公之騶虞也○章二
彼茁然而長者有蓬焉一發矢而遇五豕獸雖多而
不殺吁嗟仁乎我公之騶虞也○茁出土貌葭蘆也
豕牡曰豕蓬草名華如柳絮豕一歲曰豨

騶虞二章章三句○誦騶虞而王者仁贊化育矣始
于閨門施于朝廷邦國達于天下以至天地泰和品

物咸亨脩齊之效。農以復加。故夫子謂伯魚曰。人而不爲周南召南。其猶正牆面立。蓋王道以誠意爲本。誠意以刑家爲先。夫婦至暱也。閨閭至隱也。倡隨至便也。其切近至不可離也。是故君子慎獨勿欺。必自此始。于此真能如見賓如承祭。無惰行。無逸志。然後可以事父母。對兄弟。家人而無忤色。然後可以處朋友。事君使民而無愧心。然後可以格鬼神。孚豚魚之夷狄蠻貊可行。文王純一敬止。又得大姒之助。故其存神過化。風行草偃。民日遷善而不知。皆脩身齊家刑于寡妻之積效也。士君子進德脩業。內有賢配。則

事半功倍苟不幸而帷薄不淑則肺腑受恙非若藩籬外可以諉而棄之也其事瑣于米鹽其幾密于嘖笑耳目心志錮其中無適可離必刻勵于衾影以求底于正然後家可齊國可治未有道不行于妻子而能放諸遠者矣正牆而立豈不信然或曰二南之詩皆里巷之謠此拘說也周有天下追思當時流風懿政潤色歌詠以詒式敷皆周公之制作而孔子刪定于周衰之季以教來學苟文王時民謠有此焉用周公孔子爲今誦二南不必按事求徵但據古序繹作者之志脩身齊家治國規模具在明辟王以洪化理

詩經卷二
士君子以資進脩洋洋美德乎待文王而後興者凡
民也豪傑之士雖無文王猶興周公曰文王我師孔
子曰文王既沒文在茲此之謂也

毛詩原解卷二終

毛詩原解卷三

邶

邶

容

衛皆商畿內之地。今河南衛輝府淇縣卽古

朝

昭

歌紂都也。武王滅紂分朝歌以北爲邶南爲鄘

東爲衛邶鄘不詳所封衛以封康叔其後邶鄘皆併

于衛各因其地所得詩分爲三國其實皆衛詩也以

首變風何也二南成而周王朝歌侈而殷墟區關雎

基治緣衣兆亡紂覆于前衛滅于後所以明戒也

汎

泛

彼柏舟亦汎其流耿耿不寐如有隱憂微我無酒

以敖以遊

○

我心匪鑒不可以茹

孺

亦有兄弟不可以

據薄言往愬逢彼之怒○我心匪石不可轉也我心匪
席不可卷卷也威儀棣棣第不可選也○憂心悄悄愀
愀于羣小覲閔既多受侮不少靜言思之寤辟闕有標
勞○日居月諸胡迭堙而微心之憂矣如匪澣綴衣靜
言思之不能奮飛

古序曰柏舟言仁而不遇也毛公曰衛填公之時仁
人不遇小人在側○朱子改爲婦人不得于其夫而
作非也蓋忠臣不得于君與賢女不得于夫情相似
故忠臣常託賢女自鳴怨而不怒不遇而不忍去序
所以目爲仁人而以辭害志則似婦人語耳舟以比

濟世。柏木芳香後彫。以比君子。柏舟泛流。比仁人不
遇也。○章一以柏爲舟。而無維楫。泛然中流。國無仁賢
亦猶此矣。我心耿耿不寐。如有隱痛。是憂也。非飲酒
遨遊可以解也。○章二鑒能明而不能擇。妍媸并納。我
則不能矣。賢否原不相謀。好惡出于天性。如之何并
茹之。共事兄弟。不與我同心。聊往告愬。反以不能含
容爲我罪也。○章三兄弟雖怒。我心堅如石。平如席。不
可變也。威儀自盛。豈能選擇以隨人乎。○章四悄悄然
心懷隱憂。思我見怒于羣小。遭其病。受其侮。亦已多
矣。靜思無聊。忽忽驚寤。闢然如有所失落也。○章五日

乎月乎。何迭相虧也。君乎臣乎。何其并昏也。處此昏亂之朝。如垢衣被體。思遁去而義無所逃耳。○汎泛同。柏舟。柏木爲舟。猶言楊舟松舟也。隱憂沈痛而憂也。鑒鏡也。茹受也。鏡之受影。不擇美惡。兄弟僚友也。愬與訴通。棣美盛也。棠棣之華最盛。選與算通。擇也。辟闢通。開也。標落也。如有遺落也。恍惚驚悸之狀。居諸助語辭。迭更也。微虧缺不明也。月有微。日無微也。

○柏舟五章。章六句。

綠兮衣兮。綠衣黃裏。心之憂矣。曷維其已。○綠兮衣兮。綠衣黃裳。心之憂矣。曷維其亡。○綠兮絲兮。女汝所治。

平聲今我思古人俾無訖叶今○緜兮緜兮淒淒其以風
分叶我思古人實獲我心

古序曰綠衣衛莊姜傷已也毛公曰妾上僭夫人失位而作是詩也○衛莊公惑于嬖妾夫人莊姜賢而失位故作此詩其以綠衣比何也婦人衣夫者也夫人位中宮黃者中央土之正色雜以青則爲綠青木氣也木克土中宮所以見逼于旁孽也衣爲上裳爲下表爲貴裏爲賤比嫡妾失所也此詩莊姜自作故序云傷已與載馳竹竿之類凡婦人自作者序各分曉朱傳于他詩一切謂爲自作非也○一章綠間色而

以爲衣黃正色而以爲裏妾之蔽嫡亦猶是也多憂
方來何時已邪○二章綠爲衣而居上黃爲裳而反下
妾之上僭亦猶是也憂繫于心何能去之○三章綠本
絲耳惟汝治以爲綠愛而衣之古人制禮使貴賤得
所豈若今人之過乎○四章絺綌宜暑涼風淒然則捐
棄宜也今我見棄將若何思古人遭此有善處之道
先得我心可以自慰矣○亡去也淒涼也其語辭以
風用當風也說過也

綠衣四章章四句○按正風雅而後爲閨怨者多矣
綠衣之怨婉喻而不直其事憂嫡妾失所而不及私

情渾厚端莊不激不怒所謂可以怨者矣

燕燕于飛差

次平聲

池其羽之子于歸遠送于野

弗及泣涕如雨○燕燕于飛頡

頡

頡

杭

之子于歸

遠于將之瞻望弗及佇立以泣○燕燕于飛下

去上聲

其音之子于歸遠送于南

氏任只

止

其心塞淵叶終溫且惠淑慎其身先君之思

以勗九寡人

古序曰燕燕莊姜送歸妾也○莊姜無子以陳女戴

嬀

規

之子完爲已子莊公卒完卽位嬀人之子州吁

弑之故戴嬀大歸于陳莊姜送之而作此詩其以燕

燕比何也。燕雀春來秋去，以比別離。燕雀依人爲孥，子也。故玄鳥爲祈子之祥。莊姜於嬀，以子相依。子亡相失，故用爲比。不言夫死，子弑，國破人亡，而託興燕。燕關山寥落，隻影孤飛，淒然有流離之感。至曲終奏雅，未亡人之志，有如鰥目，千古離情，此爲絕唱。○章一

人世聚散，何異燕雀。吾與子如燕燕相依，差池其羽。子今歸矣，後會不再，能無遠送。望而不見，泣涕如雨。

○章二燕燕于飛，上下追隨。子今歸矣，予遠送之。望而

不見，獨立揮泣。○章三燕燕于飛，同聲相應。子行南還，

予遠送之。望而不見，實勞我心。○軀維爾仲氏與人

以任存心以實秉性和順行已端淑每以先君偕老
之誼勉我孰有愛人以德如仲氏者乎○燕燕二燕
也差池不齊貌無聲出涕曰泣涕淚也飛而上曰頡
飛而下曰頽將送也南衛在河北陳在河南也仲氏
戴嬀字以恩相信曰任只語辭塞實也淵深也先君
莊公也勗勉也寡人莊姜自謂無夫曰寡亦謂未亡
人也

燕燕四章章六句

日居月諸照臨下土乃如之人兮逝不古處上胡能有
定寧不我顧胡○日居月諸下土是冒乃如之人兮逝

不相好。黠胡能有定。寧不我報。○日居月諸。出自東方。
乃如之人兮。德音無良。胡能有定。俾也可忘。○日居月
諸。東方自出。父兮母兮。畜我不卒。胡能有定。報我不述。
古序曰。日月衛莊姜傷已也。毛公曰。遭州吁之難。傷
已不見答於先君。以至困窮之詩也。○朱子改爲莊
姜不見答於莊公。呼日月而訴之。非也。州吁之禍。莊
公卒矣。夫人傷國難之不定。非不見答也。呼日月者。
詩之情境。爲夫婦之比。非專爲告訴日月也。○章曰。
乎月乎。并照下國。夫婦相須。古之大倫也。乃如之人
往昔。不以古道相處。今禍貽宗社。何自能定乎。死者

而有知寧不我顧也○

章二

日居月諸共冒下土夫婦

同心亦猶是也乃如之人往時不與我相好今禍延

國家何自能定乎死者有知寧不我報也○

章三

日居

月諸出自東方常相偕也乃如之人惡聲相加曾無

好音今日之禍其何能定是則可憂也若夫無良之

音使我可忘矣○

章四

日居月諸東方自出始相偕而

終相失也父母養我不終遺此禍亂其何能定乎至

于報我之薄可無述矣○居諸皆語辭乃如之人猶

云乃有如此之人指莊公也逝往日也古處古道相

處也寧願辭定安定也謂州吁之亂國不安定也顧

念也。德音，謂言語無良暴厲也。俾也可忘，使我忘之。不忍怨也。述，稱也。言昔之所以待我者，無用稱述也。

○日月四章章六句

終風且暴，顧我則笑。謔

香入聲

浪笑敖

傲

中心是悼

導

○

終風且霾

埋

惠然肯來，莫往莫來。悠悠我思

顚叶

○終風

且曠

叶

不日有

又

曠

叶

寤言不寐，願言則嚏

帝

○曠曠

其陰虺虺

毀

其雷寤言不寐，願言則懷

古序曰：終風，衛莊姜傷已也。毛公曰：遭州吁之暴，見

侮慢，不能正也。○終風且暴，比賊子飛揚跋扈，所以

爲州吁作也。朱子改爲莊姜傷莊公而作，非也。誦綠

衣日月而莊姜蓋溫惠婦人無恚忿過甚之辭可知
此詩謂母憂子則爲賢母謂婦怨夫則傷于忿矣毛
說是也○章一狂風終日不休子之狂暴亦猶此矣有
時見我則嬉笑傲慢無人子禮將若之何中心自悼
傷而已○章二終日風霾不開子之昏惑亦猶是也有
時來見有時絕跡不往來使我悠長而思慮也○章三
終風陰曠不旋日又陰曠此子何時開寤乎憂不成
寐惟願彼自噴嚏而已○章四陰曠曠而不開雷虺虺
而不止此子何時改圖乎憂不能寐惟願彼自懷思
而已○終風終日風也謔浪狂蕩貌州吁在母前無

禮之狀。霾風揚塵也。陰而風曰曠。有又通噓。噓俗云。人道我則噴噓。噓噓。雷聲懷悔思也。

終風四章章四句

擊鼓其鏜

湯

踴躍用兵

和

土國城漕

創

我獨南行

杭

○

從孫子仲。平陳與宋。不我以歸。憂心有忡

充

○爰居爰

處。爰喪其馬。于以求之。千林之下

壯

○死生契

等

闊與

子成說。執子之手。與子偕老

曾

○于

吁

嗟闊兮。不我活

兮。于嗟洵兮。不我信

心

兮

古序曰。擊鼓。怨州吁也。毛公曰。衛州吁用兵暴亂。使

公孫文仲將而平陳與宋。國人怨其勇而無禮也。○

擊鼓跕躍輕佻之狀輕佻者無謀易師之彖曰師貞
丈人吉以兵爲戲未有不亡者州吁所以死也故曰
詩可以觀謂興爲無義則所失多矣○章一鼓以進兵
伐鼓鏜然有聲跕躍矜喜以凶器爲樂事也今國有
土工漕有城工非不勞矣我獨從軍南行苦尤甚焉
○章二今者之役非不得已從孫子仲結好陳宋與之
伐鄭無故犯難生還未上憂心中忡忡然也○章三是行
也隨其所往於居則居於處則處兵敗陣亡必喪其
馬家人索我馬於林之下耳○章四昔許室家死生隔
別不相忘棄成此誓說執子之手期與同老是疇昔

之願也

○

五章

事至今日。吁嗟隔別不得生活矣。吁嗟

信誓不得伸遂矣。○鎗鼓聲。土國興土工于國也。城

築城也。漕衛邑在河南。南行伐鄭也。事見春秋傳。孫

子仲此時軍帥也。爰於也。喪馬。人死馬亡也。唐人詩

云。可憐馬上郎。意氣今誰見。本此林下曠野之處。所

謂尸膏草野也。契闊猶言分別也。成說踐言也。洵信

也。卽偕老之信也。信與伸同。遂也。

擊鼓五章。章四句。

凱

愷

風自南。樹吹彼棘心。棘心天天。母氏劬

勞

劬

○

凱風自南。樹吹彼棘新。母氏聖善。我無令人。○爰有寒

泉在浚峻之下。所有子七人。母氏勞苦。○睨顯皖皖黃黃鳥。載好其音。有子七人。莫慰母心。

古序曰。凱風美孝子也。毛公曰。衛之淫風流行。雖有七子之母。猶不能安其室。故美七子能盡其孝道。以慰其母心。而成其志耳。○朱子改爲七子自作。非也。凡詩人美刺。代爲其人之言。非盡出其人之口。然則謂之道性情何也。聲音之道。自與性情通。詠其事而可興可觀。卽是性情之理。非以其人之詩。觀其人性情之謂也。此詩以凱風棘心比何也。美其子之孝。則不忍斥其母之惡。故若爲幾諫。以達孝子和氣之衷。

凱風以比和氣棘小棗叢生以比七子也爲孝子言則凱風似母棘心似子爲詩人言則凱風棘心皆諷其母之微辭也凱樂也物通淫曰風棘之言急也心花藥俗云棗花多心婦不貞之比棘性晚發夏始生心東風吹桃李則男女及時炎風至桃李實落而棘生心非桃夭之時矣母生七子猶有淫行詩人不忍言母老而但言子晚成勞凱風之吹善諷諭也棘雖非大材叢生爲籬中赤而外多刺比七子衛護一母也二章比薪三章比水子雖無用亦足供薪水豈其悅母不如黃鳥乎黃鳥應節又爲審時之比也○章

凱和之風夏自南來時已晚矣而棘始生心吹而養
之天天如也母生七子幼而鞠育其劬病勞苦當何
如乎○章二凱風吹棘長而無用猶可以薪七子雖壯
無令善之嗣辜負聖善之母矣○章三泉水寒涼在浚
邑之卑地灌漑無用猶可供邑人之汲今以七男事
一母不能供涓滴而使母勞苦曾寒泉不如矣○章四
黃鳥之羽覲睨可觀載好其音猶能悅人以七男奉
一母不能婉容愉色以悅母心曾禽鳥不如矣○凱
愷通樂也南風溫和故曰凱棘小棗也難長而心又
初生稚弱未成薪則成矣而無用直可薪耳聖通明

也善賢淑也浚衛邑下卑地凡泉高則利灌漑下則
無用睨睨羽好貌猶熠燿也大東云睨彼牽牛檀弓
云華而睨皆明也字从目朱謂鳥聲誤

凱風四章章四句

雄雉于飛泄泄異其羽我之懷矣自詒貽伊阻○雄雉
于飛下韞上韞其音展矣君子實勞我心○瞻彼日月
悠悠我思道之云遠曷云能來離○百爾君子不知德
行杭叶不忒至不求何用不臧

古序曰雄雉刺衛宣公也毛公曰淫亂不恤國事軍
旅數起大夫久役男女怨曠國人患之而作是詩○

朱子改爲婦人以夫從役于外思念而作。非也。詩人託閨怨以刺宣公。意不主閨怨也。後世詩多擬閨怨者。何必盡婦人自作。篇名雄雉。猶齊風之雄狐也。雄雉善雉。小弁云。雉之朝雉。尚求其雌。泄泄其羽。狎雌之狀。雉之言恥也。若以爲婦人思夫。意象不類。○章一雄雉于飛。泄泄然鼓翼。日求其雌。君不恤國事。惟婦人是好。猶雄雉也。嗟我懷人。始不能見。幾引去。今日之行。自詒阻隔耳。○章二雄雉之飛。下上追鳴。以媚其雌。人之好內。亦猶是也。國事至此。誠哉可憂。言念君子。實勞我心也。○章三日往月來。時序屢更。悠悠然我

之所思。道路長遠。何能致其來乎。○韜凡爾君子。雖
我婦人。焉知德行。竊意人處世。無所忤害。無所貪求。
何往不善。今之征役。爲忤求耳。其何能善乎。○泄泄
鼓翅舒散貌。雄雉見雌而振羽也。我之懷。指其夫。自
詒阻言。不能引去也。展誠也。君子告愬之辭。指宣公
也。勞心憂國事也。悠悠我思。思夫也。云語辭。百爾君
子。呼在位者以倣君也。忤害也。求貪也。

雄雉四章章四句

匏匏有苦葉。濟有深涉。深則厲。叶淺則揭。○有彌米濟
盈。有鳴音雉。鳴濟盈。不濡軌。叶雉鳴求其牡。○雝雝鳴

屬旭日始旦。士如歸妻。迨冰未泮。○招招舟子。○叶人涉。
印叶否。叶人涉。印否。印須我友。叶

古序曰。匏有苦葉。刺衛宣公也。毛公曰。公與夫人並
爲淫亂。○朱子謂是詩。未見其爲刺宣公夫人也。然
亦何知其不爲刺宣公夫人乎。序有所受之。以匏比
者。匏剖爲瓢。有配合義。昏禮合巹。匏也。故以比男女
之合。匏未剖。可佩以渡水。匏之渡水。潛行者用之。非
利涉之正禮。故以比男女之私。匏尚有葉。無作合之
具。水深。比防閑之嚴。雉雝。善淫。鴈飛有序。匏以行險。
舟以利涉。各有取義也。○章匏可涉水。今尚有苦葉。

未可用也。濟涉之處其水方深。欲濟者深則有厲。淺則褰裳量度而行。斯爲知禮矣。○二濟之水滿其盈矣。雉之雊鳴其音矣。水盈必濡其軌。今曰不濡雉鳴雄求其雌。今反求牡人之背。禮如此。○三古者婚姻禮因時舉。贊用和鳴之鴈。貴從陽也。行禮以旭日。始旦。貴正始也。妻歸及霜降之後。冰泮之前。陽往則陰來也。非禮非時。豈容苟合邪。○四水盈而匏難用。我其招舟子而後濟乎。人皆徒涉。我獨不敢。須同心之友。乘舟以共濟耳。○匏瓠之苦者。長頸曰瓠。大腹曰匏。濟過渡處。厲列石水中。屨以渡也。厲與列通。周禮

鴈禁謂遮列爲禁也或曰水沒膝下爲涉過心上爲
鴈以衣涉曰鴈褰衣涉曰揭濡水滿貌嚙雉聲軌車
輪牡雄雉猶雞言牝狐言雄也鴈隨陽氣南北用鴈
取隨陽義六禮惟納徵用幣納采納吉問名請期親
迎皆用鴈惟親迎用昏餘禮皆用旦手曰招口曰召
祛印我也須待也

匏有苦葉四章章四句

毛詩原解卷三終

毛詩原解

卷三

十三

卅

毛詩原解卷四

習習谷風

分叶

以陰以雨。黽勉同心。不宜有怒。采芣采芣。

非無以下體。德音莫違。及爾同死。○行道遲遲。中心有

違。不遠伊邇。薄送我畿。

祈

誰謂荼

徒

苦其甘如薺。

爾新昏如兄如弟。

聲上

○涇以渭濁。湜湜

殖

其沚。宴爾新

昏。不我屑

薛

以。毋逝我梁。毋發我笱。

苟

我躬不閱。遑恤

我後。

聲上

○就其深矣。方之舟之。就其淺矣。泳之游之。何

有何亡。黽勉求之。凡民有喪。匍

蒲

匍

迫

救之。○不我能

恖。

商

反以我爲讐。旣阻我德。

叶

賈

古

用不售。

叶

昔育恐

育鞠。及爾顛覆。旣生旣育。比予于毒。○我有旨蓄。亦以

御語冬宴爾新昏以我御語窮有汎光有潰既詒我肄

不念昔者伊余來墜戲

古序曰谷風刺夫婦失道也毛公曰衛人化其上淫于新昏而棄其舊室夫婦離絕國俗傷敗焉○谷風東風也東爲君方帝出乎震故曰君子之德風習習不斷也谷之言俗也俗成于習谷風習而成陰雨君德習而成民俗故以爲比朱子謂詩中不見化其上之意改爲棄婦自作非也風人美刺鮮有直陳者設身處其人之地代爲其人之言心曲隱微皆肖其入所以爲妙于性情而可風若謂棄婦自作則微婉之

致全失矣○

章

東皇布令而谷風生習習不斷則陰

雨降矣民風所從來人情變態亦猶是也凡夫婦相與小有參差當勉強含容不宜暴怒譬彼葑菲采其葉且畱其根若倡隨之間言語和悅莫相違背則可以偕老矣奚至變態如風雨乎○仁相彼行路之人遲遲不進心必有違況我與爾夫婦之親咫尺決絕門內相送遂成路人如荼雖稱苦其實味甘如薺蓋舊婦旣爲路人則新婦樂如兄弟豈非我之所謂荼者彼之所謂薺乎○三涇濁渭清其辨甚明今涇反謂渭濁渭實非濁也試觀其泚其清見底惟樂彼新

昏故不屑我耳。身雖見棄。心豈遽絕。後人勿往我之。
梁發我取魚之筭。雖然。我身已不見容。何暇恤去後
之事乎。○章四思我昔治家如濟水者。深則方舟。淺則
泳游。不論有無。勉強圖濟。雖鄉鄰有喪。無不周救。況
于夫婦之間。敢處其薄乎。○章五爾今不我養。反以我
爲讐。惟其有心阻我。雖善不錄。如賈百貨具陳。終不
見售矣。思昔與爾治生。惟恐生理窮。鞠同至顛覆。今
既遂生矣。乃比我于毒而棄之邪。○章六昔我蓄聚美
菜。以備冬月乏時之需。亦猶爾宴樂新昏。以我備窮
窘之時耳。故今泔然其武。潰然其怒。無復溫惠之容。

貽我以事。肄習勞苦。曾不念昔者我之初至矣。○習
習。風吹不斷貌。黽勉。容忍也。葑。卽蔓菁。非似菑。一名
土瓜。根葉皆可食。下體。根也。葉根并採。則立盡矣。俗
語云。凡事留不盡。卽無以下體之意。德音。好言也。緼。
門內也。荼。苦菜。似苦苣而葉細。花如葦荻。故謂之荼。
薺。甘菜。宴樂也。湜湜。水清見底也。汙。小渚也。梁。以石
障水而空其下。如梁。非橋梁也。笱。竹器。承梁之空。取
魚者也。梁笱。皆閨政之喻。如四章所言是也。閭。容也。
方。筏也。所以渡水。潛行曰泳。浮水曰游。匭。以手行也。
匭。伏地也。愔。與畜同。養也。賈。商賈。售賣出也。育。養也。

鞠窮也。旨蓄。美菜也。御。禦通當也。洗。武貌。潰。怒色。肄。習也。勤勞之意。暨。至也。

谷風六章章八句

式。十微。式微。胡不歸。微君之故。胡爲乎中。露。○式微。式微。胡不歸。微君之躬。胡爲乎泥中。

古序曰。式微。黎侯寓于衛。其臣勸以歸也。○朱子疑詩中無黎侯字。愚謂有黎侯字。則不成詩矣。○衰微乎。衰微乎。何久依人不歸乎。君之變故亦大矣。彼衛人視之。若無有耳。君胡爲久暴此露中乎。○衰微乎。衰微乎。何久不歸乎。君之親來亦迫矣。彼衛人

視君之躬甚微渺耳。君胡爲自辱此泥塗乎。○式發語聲微輕忽意中露言不見泥也。泥中言不見拯也。○式微二章章四句。

旄

毛

丘之葛兮。何誕但之節兮。叔兮伯讀兮葛。何多日

熱也。

○何其處也也。必有與也。何其久也也。必有以也。

○狐裘蒙戎。匪車不東。叔兮伯兮。靡米所與同。○瑣兮

尾

以

兮。流離之子。叔兮伯兮。褻又如充耳。

古序曰。旄丘責衛伯也。毛公曰。狄人迫逐黎侯。黎侯

寓于衛。衛不能脩方伯連率之職。黎之臣子以責於

衛也。○朱子謂序見詩有伯兮二字。遂以爲責衛伯。

詆其誤非也蓋衛之先本牧伯武王封康叔誥曰外事汝陳時臬司師茲殷罰有倫此衛爲伯之始也司馬遷作世家衛自頃侯以前七世皆稱伯黎侯以狄難來告正望其脩先業故詩曰與曰同皆連率之事以旄丘葛比何也前高後下曰旄丘丘之不斷截者葛亦不斷之物俗稱狐疑爲葛藤毛遂云從之利害兩言而決日出而言日中不決卽此意也宋傳謂久寓于衛時物變而登丘見葛起興豈其然乎○一章相彼旄丘葛之生者其節何誕然而長所處平夷故其生延蔓以我遭此危急望叔伯諸臣救患恤鄰可一

言決耳。今何其多日而不定也。○二何其安處不動
乎。意必約與國而後發乎。何其遲久不決乎。意必有
他故相羈絆乎。○三今我久客孤裘且敝矣。豈我不
以車東來控告而叔伯諸臣不能約與國同興連率
之師我雖來告亦徒然耳。○四我國家零替瑣然細
矣。尾然末矣。微命殘喘不絕如綫漂流離散之子也。
爾衛叔伯端拱坐視衰然義冠不動。充耳無聞。豈有
人心者哉。○誕疏闊也。節葛生節也。叔伯指衛諸臣
不敢斥其君也。蒙戎裘敝也。衰盛服貌。充耳冠下兩
旁懸墜。所以塞聽。衰如充耳。土木偶人之狀。

旄丘四章章四句○旄丘之怨從容不迫雖當流離
之秋缺望之至而其言委蛇有序篇終乃曰褒如充
耳諷刺微婉氣象雍容詩所以善言也

簡兮簡兮方將萬舞日之方中在前上處

叶上聲

碩人俟

諷語

公庭萬舞○有力如虎執轡如組

祖

左手執籥

樂

右手秉翟

叶

赫如渥赭

叶

公言錫爵

○山有榛

隰

夕

有

苓云誰之思西方美人彼美人兮西方之人兮

古序曰簡兮刺不用賢也毛公曰衛之賢者仕於伶

望

官皆可以承事王者也○朱子改爲賢者不得志

而仕于伶官有輕世肆志之心若自譽而實自嘲也

謂輕世肆志豈風人之度譽而自嘲則詎諧矣六經
無此體蓋求其人不得遂以爲賢者自作又疑碩人
美人自諺遂以美人爲君以碩人爲自譽自嘲其實
非也序云刺不用賢蓋當時有賢人不用而仕爲伶
官者詩人刺不能用者耳○章一伶人賤役中有高賢
廁于其間簡擇之簡擇之今者舞萬當日中居前列
之上其人形貌魁梧舞于公庭而人莫之知也○章二
是碩人材勇有力如虎技藝御馬如組今執籥秉羽
顏色赫然沃丹君獻工而賚之以酒者是也○章三山
有榛隰有苓各生有所土生不逢辰寄思甚遠昔西

周盛時有美人者。明良一堂遐想高風。西方之人乎。
今不得而見之矣。○萬者舞之總名。日中上處。言甚
明顯易見也。俛俛大貌。組條屬轡。馬韁也。執轡如組。
言御馬調和也。籥如笛。長三尺六孔。或曰三孔。舞者
所執。且吹且舞。翟雉羽亦執以舞也。渥沃通厚也。赭
赤貌。言顏色充盛也。錫爵燕禮樂工。主人有獻爵榛
實似栗而小。宜山苓木耳。菌屬。宜濕。西方西周也。
簡兮三章章六句。○古本三章朱傳分碩人俛俛以
下四句爲一章。共四章。今從舊。

步秘

彼泉水亦流于淇。有懷于衛。靡日不思。變彼諸姬。

聊與之謀

叶

○出宿于沛

齊上聲

飲餞于禰

你

女子有行

遠父母兄弟

上聲

問我諸姑遂及伯姊

○出宿于干

干叶飲

餞于言載脂載牽

叶

還車言邁邁

無

臻于衛不瑕有害

○我思肥泉茲之永歎

叶

思須與漕

叶

我心悠悠駕言

出遊以寫我憂

古序曰泉水衛女思歸也毛公曰嫁於諸侯父母終

思歸寧而不得故作是詩以自見也○湛泉泉水幽

閔不出也衛女懷歸不遂故以為比百泉淇水皆衛

地比故國也○

一

泉衛水也淇衛地也水無情而自

衛出者還歸于衛我為衛女寧忘衛國變然美好之

姪娣昔與我俱來。今欲歸衛。畧與爾謀之。○二我若

歸衛。出宿則于近郊之沛。禮有飲餞。則于近沛之禰。

成行易矣。但念女子旣嫁。遠離父母兄弟。今父母終

兄弟無歸寧。我有諸姑伯姊在歸而問之。亦可乎。○

三我若歸衛。干亦可宿。言亦可餞。載塗其脂。以設其

輦。旋車邁往。速至于衛。誠不難矣。但是行也。于禮無

瑕玷乎。恐有害也。○四肥泉。故鄉之水。思此長歎。須

漕。故鄉之邑。思之悠長。歸旣有害。思將奈何。惟乘車

出遊近郊。以寫除我憂而已。○悲幽閉也。泉。百泉在

今衛輝府輝縣蘇門山中。淇亦衛水出。今彰德府林

縣變好貌諸姬同姓之女卽姪娣也禮遠行夕出宿
近郊設祖祭送者共飲曰餞沛稱干言皆往衛所經
歷之地今北京順德府唐山縣有干言山相傳卽衛
女出宿飲餞處順德府有邢臺縣衛女疑卽碩人所
謂邢侯之姨者與父之姊妹曰姑伯姊女兒之長者
牽車軸頭鐵一謂之鈇大行則設之止則脫之脂以
塗牽使滑利也邇速也泉同出異歸曰肥泉須漕衛
之二邑出遊遊本國近郊也寫傾出也

泉水四章章六句

出自北門憂心殷殷終窶

舉

且貧莫知我艱勤已焉哉

賈叶天寶爲之謂之何哉○王事適我政事一埤罷益我
我入自外室人交徧譴責我已焉哉天寶爲之謂之何
哉○王事敦叶我政事一埤遺叶我我入自外室人交
徧摧我已焉哉天寶爲之謂之何哉

古序曰北門刺仕不得志也毛公曰言衛之忠臣不
得其志爾○朱子改爲賢者不得其志因出北門而
賦以自比詩謂出自北門者如陟彼北山出其東門
之類以爲寶然則固矣詩人託爲仕者之怨以刺時
非必仕者自言也北門背陽比昏主刺多比北美多
比南○章一人情向明則喜投暗則悲我行出自北門

憂心殷殷然念我龔陋家又貧乏世無知己吾其已
矣生不逢辰天實爲之夫復何言○章二王國有事旣
來適我本國政事又一切厚積加我我從外歸室人
飢困交徧責我已矣哉天命如此復何言哉○章三王
事旣敦迫我政事又一切厚遺我我從外歸室人無
聊交徧摧挫我已矣哉天命已定云如何哉○殷殷
盛也貧而無以爲禮曰窶無財曰貧適之也政事本
國之政事一專也埤厚也譴責也敦篤也守治之意
孟子使虞敦匠事

北門三章章七句

北風其涼雨詩雪其雱旁惠而好我攜手同行叶其虛

舒其邪徐既亟只止且疽○北風其喈雞叶雨雪其霏非

惠而好我攜手同歸其虛其邪既亟只且○莫赤匪狐

莫黑匪烏惠而好我攜手同車其虛其邪既亟只且

古序曰北風刺虐也毛公曰衛國並爲威虐百姓不

親莫不相攜持而去焉○朱子謂衛以淫亂亡國未

聞有威虐者夫亡國之政誰無威虐卽州吁弑君宣

公殺子孰有如其威虐者而謂未聞非也○章北風

寒涼雨雪雰雰陰氣盛而肅殺慘也吾與惠而好我

者攜手同行遠害全身不俟終日其可舒乎其可徐

乎事勢甚亟矣○二北風嗃嗃然聲之疾也雨雪霏霏然落之盛也惠而好我者相與攜手同歸其可舒徐乎時事已亟矣○三狐妖獸也鳥惡鳥也今所見赤者莫非狐所見黑者莫非鳥耳聞目擊孰匪凶類好我者與之攜手同車而去不可舒徐事甚亟矣○自上而下曰雨霧雪盛貌惠以恩相與也虛邪通作舒徐寬緩也亟急也且者甚之之辭嗃風疾也霏雪布散貌

北風三章章六句

靜女其姝

樞

俟我于城隅愛而不見搔

騷

首踟躕○

靜女其變。貽我彤管。

同管。

彤管有煒。

傳說。

懌女。

汝美。

○

自牧歸荑。

喻。

洵美且異。匪女

汝

之爲美。美人之貽。

古序曰。靜女刺時也。毛公曰。衛君無道。夫人無德。○

愚按。君無道。故外無防閑。夫人無德。故內多醜行。詩

人。不欲直斥。因借淫者。期會贈貽。而諷之以正。賢賢

易色之意也。靜女。謂貞靜之女。首章刺其君壞防。故

以城隅比城。四隅有敵臺。最高峻。大雅曰。哲夫成城。

哲。婦傾城。城者。內外之閑。以比禮義也。國君以禮厚

防。誰敢踰之。所以爲搔首踟躕也。二章刺其夫人無

恥。古后妃夫人有女。史載彤管記過。故動無非禮。小

雅曰既立之監或佐之史彼醉不臧不醉反恥詩人
所以悅古人之有形管也三章詩人自比猶鄭風之
言縞衣綦巾也郊外曰牧茅秀曰萑賤而潔白比編
氓之婦守禮人皆美之況爲人上者乎諷刺微婉縕
藉所謂主文而諷諫言之者無罪也朱子改爲淫奔
之詩意索然矣○章一吾之所期者貞靜之女姝然美
好俟我于城隅居高而防峻雖其愛之末由致之惟
有搔首踟躕而已○章二靜女嬋然美好動則女史自
隨彤管記過假以貽我其煒然令德之光有過則告
吾悅汝管之爲美也豈徒以其贈貽而已邪○章三郊

外爲牧非宮禁窈窕之地也。有茅蕝生焉。美人持以歸。我雖質謝繁華而柔潔可美。自與衆卉異。豈蕝之爲美。以贈蕝之人。清潔如蕝也。美不擇賤存乎人耳。

○靜幽貞也。姝美色也。踟躕猶躑躅不進貌。嬋好貌。形赤色。管筆管古后妃夫人有女史佩管記過其色赤。取赤心正人也。禮內則男女皆佩管。文次通女美指彤管匪女指蕝。

靜女三章章四句

新臺有泚

此

河水湍湍

米

燕婉之求

遽

籛

除

不鮮

叶

○新臺有洒

叶

河水浼浼

叶

燕婉之求

遽

蔭

不殄

○魚

網之設鴻則離歷叶之燕婉之求得此戚施

古序曰新臺刺衛宣公也毛公曰納伋之妻作新臺于河上而要之國人惡之而作是詩也○章人情羞媿汙泚則滌之以水此新臺甚有泚也而近河水之瀕滿挹彼洪流烏能滌此汙顏乎齊女之來求安好之匹乃得此蓬篠不潔之人也○章物不潔則洗新臺有洗累此河水浼浼然流湏濯之汙齊女燕婉是求乃得蓬篠不絕之人乎○章魚網求魚鴻及麗之齊女求燕婉反得戚施亦可醜也○汚汙下清流之狀孟子云其類有汚燕婉安好指伋也蓬篠以葦席

爲人形卽喪禮所設重以像死者臃腫之狀舊解蘧
篠粗葦席其用可仰而不可俯故以名不能俯者之
疾鮮善也潔也洒與洗通澆澆濁流貌不殄痼疾不
瘳也離與麗同著也戚施不能仰之疾作顙頓病僂
之狀古它色字通其形顙駝然也皆以比宣公

新臺三章章四句

二子乘舟汎汎其景汎叶願言思子中心養養○二子
乘舟汎汎其逝願叶願言思子不瑕有害

古序曰二子乘舟思伋壽也毛公曰衛宣公之二子
爭相爲死國人傷而思之作是詩也○宣公納伋之

妻是爲宣姜。生壽及朔。朔與宣姜譖伋于公。公使伋之齊。令賊先待于隘而殺之。壽知之以告伋。伋曰。君命也不可以逃。壽竊其節而先往。賊殺之。伋至曰。君命殺我。壽有何罪。賊又殺之。國人爲賦此詩。○章二子自河適齊。乘舟飄泊。汎汎然其影是行也。以義忘身。禍機不測。使我甘心思子。中心瀼瀼然不定也。○章二二子乘舟。孤帆遠去。汎汎往矣。願言思子。使我心疑。能無瑕乎。其有害也。○景影同。願言者。冀其無害之辭。養養猶瀼瀼不定貌。

二子乘舟二章章四句。○誦衛風至新臺二子乘舟。

天理民彝。斬然盡矣。狄人乘之。國遂以亡。而其禍皆
始于悻薄之間。詩首二南。繼以邶。勸戒豈不章哉。

毛詩原解卷四終

毛詩原解卷五

鄘容

汎彼柏舟。在彼中河。髡_但彼兩髦_毛。實維我儀_{俄叶}。之死
矢靡它_拖。母也天_{懸叶}。只不諒人。只○汎彼柏舟。在彼河
側。髡_但彼兩髦。實維我特。之死矢靡慝_{母也}。天只不諒人
只

古序曰。柏舟。共_恭姜自誓也。毛公曰。衛世子共_恭伯
蚤死。其妻守義。父母欲奪而嫁之。誓而弗許。故作是
詩以絕之。○按共姜未嫁。而共伯先死矣。男子冠而
後娶。女子笄而後嫁。詩稱兩髦。則共伯尚未冠。而共

姜尚未笄也。髦，毛同，髮也。散之曰髮，束之曰髦。古者幼學稱髦士，猶今之垂髫也。兩髦，𠂔也。分髮作雙髻曰𠂔，字取象形。俗云丫髻，童子之飾。齊風甫田，總角𠂔兮，是也。共伯以總角亡，故序曰蚤死。父母共姜之父母共姜在室，父母欲以別嫁，亦人情也。蓋女子既嫁，夫死守節，常禮。未嫁誓死，人所難，故鄘風首錄之。漢儒解兩髦爲翦髮夾凶，子事父母之飾。按禮言髦多矣，其皆翦髮夾凶者邪？禮經具在，未聞子事父母而翦髮者。詩獨言母女子之嫁，母命之也。○草汎彼柏舟，在河之中，無所依泊。我生無歸，亦猶是也。髮然

總角之兩髦六禮雖未終而盟言已定卽實我匹生
死同歸誓不他適矣人生有妙覆蓋如天獨不諒人
乎○二汎彼柏舟在彼河側適得我所我與兩髦成
約爲特誓死不敢復爲邪惡矣母也如天不諒人乎
○中河河中也髮髮垂貌儀匹也矢誓也特亦匹也
不再之辭惡邪也

柏舟二章章七句

牆有茨惡不可埽數也中冓姑之言不可道叶也所可
道也言之醜也○牆有茨不可褻也中冓之言不可詳
也所可詳也言之長也○牆有茨不可束也中冓之言

不可讀也。所可讀也。言之辱也。

古序曰。牆有茨。衛人刺其上。也。毛公曰。公子頑通乎君母。國人疾之。而不可道也。○按公子頑。宣公之長庶伯昭。伋之兄也。宣公卒。惠公朔立而幼。伯昭烝于朔母宣姜。故詩人以牆茨爲比。茅蓋牆曰茨。牆以蔽內。覆之以茨。揜蓋之比。惡之深。而思爲揜蓋。忠厚之至也。○章設牆以蔽內。加茨以蔽牆。惟恐牆壞。人窺其中也。厚茨猶恐不密。況可埽而去之。中葺之事。淫惡不可言。言則揚國醜。有隱諱耳。可終隱乎。○章牆有茨。不可襄而除也。中葺之言。欲詳之不勝其長也。

○三章牆有茨不可束而去也中韞之言讀之不勝其辱也○茨茅茨也小雅云福祿如茨又云如茨如梁周禮圉師職云茨牆則翦闔史記茅茨不翦或以爲疾藜非比義矣韞構通結架爲構室中隱處牆有茨三章章六句

君子偕老副笄雞六加委委佗佗駝如山如河象

服是宜俄叶子之不淑云如之何○玼此兮玼兮其之翟

第叶也鬢軫髮如雲不屑髭替也玉之瑱何也象之掃替

也揚且痘之皙制叶也胡然而天也胡然而帝也○瑳上

兮瑳兮其之展禪叶也蒙彼絢緇絺是繼肩袞煩叶也子

之清揚揚且之顏也展如之人兮邦之媛叶也

古序曰君子偕老刺衛夫人也毛公曰夫人淫亂失事君子之道故陳人君之德服飾之盛宜與君子偕老也○此詩本刺而但亟稱其服飾容貌所以寓誨淫之意首言君子偕老諷以義也姜之不能偕老甚矣次章云玼兮言泚也猶新臺有泚之泚汗顏之比三章云瑳兮笑而見齒曰瑳竹竿云巧笑之瑳言可笑也皆諷刺之微辭○章一邦君之妻與君偕老從一而終故其服飾在首有副副上衡笄加以六玉其容貌委委舒徐佗佗安重佗佗如山委委如河服此象

服乃像耳。今子不善如此象服何？○二玼然潤澤者，其禮服之翟衣也。髮鬢黑而多如雲，不用假髮之髢也。笄下懸瑱，以玉爲之，搔首有掃，以象爲之，額廣而而揚，又白而皙，如此容飾，世所驚覲，胡然自天降，胡然帝神出乎？○三瑳然潔白者，其禮服之展衣也。外加素紗，以示斂飭也。其目清明，其額揚起，誠有如此之人，是乃國色之女也。○君子婦人謂其夫也。副，首飾，編髮爲之，笄簪也，橫插于副上，曰衡笄。六珈以六玉加于笄上，爲飾也。象像也。服以像德，無德則不像。翟，雉也。公侯夫人禮衣，畫翟雉于上，鬢髮黑如雲多。

也。髢，假髮。瑱，塞耳也。栉，搔首。卽今釵也。揚，眉上揚起也。皙，白也。胡然，驚意。天帝、天神、上帝也。璫，白也。展，作禮。禮衣，白色。縗，絰。卽周禮六服之素紗。加于衣上者，所謂尚絅也。古婦人盛服，以薄綃蒙于外。縗，絰。絰之，感感然者，凡繪薄細者，皆稱絰。卽今方目紗之類。不獨葛也。紕，袪。收斂也。清目，清明也。顏，額也。媛，美女也。

○君子偕老三章一章七句一章九句一章八句

爰采唐矣。沫妹之鄉矣。云誰之思。美孟姜矣。期我乎桑中。要我乎上宮。送我乎淇之上矣。○爰采麥矣。沫之北矣。云誰之思。美孟弋亦矣。期我乎桑中。要我乎上宮。

送我乎淇之上矣○爰采葑矣沫之東矣云誰之思美
孟庸矣期我乎桑中要我乎上宮送我乎淇之上矣
古序曰桑中刺奔也毛公曰衛之公室淫亂男女相
奔至於世族在位相竊妻妾期於幽遠政散民流而
不可止○朱子改爲淫者自作非也淫者犯禮法竊
人妻妾惟恐人知詩人表暴其事指其所竊之女與
其期會迎送之地事雖幽遠而踪跡昭彰所謂如見
肺肝也沫鄉衛朝歌故地紂所都也周公作酒誥云
妹邦又云妹土變沫言妹者妹少女淫昏之稱易歸
妹曰天地不交萬物不興君子以永終知敝妹之象

也。唐菟絲無根而附于物，苟合之象。唐，宕也。荒淫曰宕。麥秋不收，冬不藏，三時在外，謂之宿麥。有奔之象，百物未長而先秋，有淫之象。葑蔓菁也。義取下體賤其穢也。對言風也。馬牛通淫，曰風。孟姜指淫婦弋言引也。庸言賤也。皆微辭以爲刺。○唐蒙不擇物而附生于沫上之鄉，今行采之所思云。誰，美色之孟姜。不惟其配惟其美也。相期于桑林之中，相要于上宮之館，其別也。相送于淇水之上，此采唐之行也。○二麥宿于外，于以采麥于彼沫北云。誰之思，色美而年茂者，則弋取之矣。桑中相期，上宮相要，淇上相送，是

采芣之行也○三章詩有下體于以采芣于彼沫東云
誰之思其人美而稱孟者易與也桑中爲期上宮爲
約淇上爲別是采芣之行也○上宮公館也世族相
要故稱官舍孟子之滕館于上宮亦官舍也

桑中三章章七句

鶉

純

之奔奔

叶

鶉之疆疆

美

人之無良我以爲兄

叶

○

鶉之疆疆鶉之奔奔

叶

人之無良我以爲君

古序曰鶉之奔奔刺衛宣姜也毛公曰衛人以爲宣

姜鶉鶉之不若也○

章

鶉無定居惡亂其匹常奔奔

然鬪鶉傳枝受卵不淫其匹疆疆然剛也物尚如此

頑之不善不如二鳥吾君乃以爲兄乎○

二章鵲猶彊

彊鵲猶奔奔姜之不善國人乃以爲小君乎○鵲鵲

鵲好關無常居而有常匹莊子曰聖人鵲居鵲性不

淫傳特受卵故曰乾鵲莊子曰鳥鵲孺以少欲也

鵲之奔奔二章章四句○衛風至此人道盡矣不再

造不可以國故繼以定之方中

定之方中作于楚宮揆

杜

之以日作于楚室樹之榛栗

椅桐梓漆爰伐琴瑟○

升

彼虛訶矣以望楚矣望楚

與堂景山與京

葉

降觀于桑土云其吉終焉允臧○靈

靈

雨旣零命彼館

官

人星言夙駕說

稅

于桑田匪直也

人乘心塞淵

川駭來

北三千

里

古序曰定之方中美衛文公也毛公曰衛爲狄所滅東徙渡河野處漕邑齊桓公攘夷狄而封之文公徙居楚丘始建城市而營宮室得其時制百姓說之國家殷富焉○章仰觀室星十月之昏見于南中是時農畢可以興作矣乃揆度日影以正方向而新作楚丘之宮室創造之初卽爲久遠之計樹之榛栗以備邊實及椅桐梓漆以待伐取爲琴瑟器用也○章二升彼故城以望楚丘及傍邑之堂與景大之山高丘之京以察其形勝降于平地觀桑以驗其土宜乃灼龜

而卜其繇

紂

曰吉終果獲善也○

章

當春靈星見而

雨降正農蠶之時也命主駕之倌人戴星早駕出舍

桑田勸民耕織所以操心爲民人計者篤實淵深已

匪但于民然耳驗之物產七尺以上之牝馬亦多至

三千非秉心塞淵能致此乎○定北方水宿室星也

春秋傳云水昏正而栽植幹以築曰栽楚宮楚室墜

丘之宮室也椅梓屬卽楸也桐三種實小可食者曰

梧桐實大可壓油者曰圓梧最大者可爲棺曰白桐

漆樹有液可以飾器漆實似栗而小虛故城楚丘舊

本邑也堂楚丘旁邑景山大山殷武陟彼景山以人

力築者謂之京。非人力自成者謂之丘。靈靈星蒼龍之宿主。田蠶三月見于東方。靈雨靈星見而雨也。倌人主駕者。匪直不但也。塞實也。淵深也。馬七尺以上曰駮。

定之方中三章章七句

蝮

帶蝮

在東莫之敢指。女子有行遠去聲父母兄弟。

○朝濟賈于西崇朝其雨。女子有行遠兄弟父母。○乃如之人也。懷昏姻也。大無信也。不知命也。

古序曰。蝮蝮止奔也。毛公曰。衛文公能以道化其民。淫奔之恥。國人不齒也。○此詩朱子以爲刺序以爲

止奔女子有行不知命皆止之辭○章一二氣相干雨

暘交而虹生則夕見于東方男女不正相奔亦猶此
也有羞惡之心者若將浼已其敢指手夫女子生而
願有家父母兄弟之心人皆有之守正待聘則于歸
有日豈父母兄弟所能留乎何亟欲若此也○章二蠓
蝻朝升于西升則雨終朝止矣女子爲苟合之行安
能久乎但能待聘以行還其父母兄弟終身有歸顧
不善與○章三乃有如此之人徒懷昏姻之欲大無貞
信之守豈知天作有合賦分已定雖私奔何爲○蠓
與蛸同蛸蝻虹也朝旦也躋升也崇朝終朝也

蜈蚣三章章四句

相鼠有皮

叶

人而無儀

叶

人而無儀

不死何爲

叶

○

相鼠有齒

人而無止

人而無止

不死何俟

叶

○相鼠有

體

人而無禮

胡不遄

傳

死

古序曰相鼠刺無禮也毛公曰衛文公能正其羣臣

而刺在位承先君之化無禮儀也○刺羣臣無禮而

託詠于相鼠何也○相鼠人也鼠之附人不可除而貪

盜爲人所共棄故生而無爲于世者惟鼠人欲其速

死無所復俟者亦惟鼠故以爲戒相鼠相視死鼠也

鼠以皮爲儀以齧爲止以四肢爲履借以爲比○

章一

物以汙賤取死者。無如鼠視彼亦有皮。但有皮而不恤其儀。所以死耳。人無威儀。亦猶鼠也。衣冠掃地。不死何爲乎。○二章鼠至汙賤。亦復有齒。但有齒而好齧。不惜容止。人無容止。亦猶鼠也。不死何待乎。○三章鼠至微賤。亦有四體。但有四體而無禮。人苟無禮。亦猶鼠也。宜其速死矣。

相鼠三章章四句

子子結干旄在浚之郊。黼素絲組通之良馬。四之彼姝軀者。子何以畀之。○子子干旄子在浚之都。素絲組之良馬五之。彼姝者子。何以予軀之。○子子干旄在浚之

城素絲祝之良馬六之彼姝者子何以告谷之

古序曰干旄美好善也。毛公曰衛文公臣子多好善賢者樂告以善道也。○按詩美好善而但言車旗何也。衛自中衰國運萎矣。諸大夫艱難再造改圖脩省以志于善是以文物一新。夫國非善之難而無好善人之患。書所以貴于一个臣也。十室之邑必有忠信浚邑豈乏姝子。而干旄在郊則自此大夫始。詩人不貴有姝子而貴有此大夫。故盛稱其車旗。所謂見羽旄之美聞車馬之音欣欣有喜色者也。篇末更屬望姝子則大夫益增重矣。詩所以善占頌也。○章子子

然建干設旄。大夫之等威也。今在浚邑之郊。旗上繆旒。以素絲紕而縫之。四馬駕車以載之。此爲見賢而來也。彼美賢士。何以畀之。答其來意乎。○二予然之。干建鳥隼之旗。在浚之都。以素絲爲組。而來者又非一車。良馬五之矣。彼美賢士。何以予之乎。○三予然之。干注羽爲旌。在浚之城。屬以素絲。而來者非一輩。良馬又六矣。諸大夫接踵而至。彼美賢士。何以告之乎。○予子特出貌。干旗竿。凡旗竿首節以旄半尾曰旄。以鳥羽曰旌。旌下有帛曰繆。衫綴于繆下者曰旒。以絲聯之曰紕。浚衛邑賢者所居。四馬駕一車。五六

馬不止一車矣言諸大夫來見者衆序謂臣子多好
善此也祝作屬亦聯也旌旗旌總之一旗而分言耳
姝美也者與這同

千旌三章章六句

載馳載驅

叶

歸唁

叶

衛侯驅馬悠悠言至于漕叶大夫

跋涉

我心則憂○旣不我嘉不能旋反視爾不臧我

思不遠旣不我嘉不能旋濟視爾不臧我思不閱叶○

陟彼阿丘言采其蠃叶女子善懷亦各有行叶許人尤

之衆穉且狂○我行其野芄芄

蓬

其麥

叶

控密

空

于大

邦誰因誰極大夫君子無我有尤叶百爾所思不如我

所之

古序曰載馳許穆夫人作也毛公曰閔其宗國顛覆
自傷不能救也衛懿公爲狄人所滅國人分散露於
漕邑許穆夫人閔衛之亡傷許之小力不能救思歸
唁其兄又義不得故賦是詩也朱子改謂許穆夫
人將歸衛而許大夫有來止之者夫人憂之作此詩
蓋據首章之言爲實事非也若使夫人果啓行許大
夫果跋涉來追則詩中登山采蠶行野踏麥一一皆
實事矣豈比興之義然則云大夫跋涉何也禮諸侯
夫人父母終無歸寧惟使大夫問于兄弟所謂跋涉

之大夫據禮託言非真有旣行追留之事蓋衛之亡也許以昏姻力不能救亦當爲請于大國而許人坐視無一介之遣夫人所以爲憂也三章言采蠶蠶具母爲女子遠父母之喻四章言麥麥宿于外爲女子適他邦之喻諷許君而但斥大夫與國人云不如我所之隱然恨許國衆人無一男子耳慷慨有士風故序曰許穆夫人作貴之也○一章宗國破滅我將馳驅歸而唁之兄侯越在漕邑驅馬悠悠親至于漕其本願也今徒使一大夫跋涉往何濟于事是以我心則憂也○二章凡爾許人旣以我婦人遠行爲不嘉則我

不能旋反矣。以我視爾，違人之願，實爲不善。我思終
何能遠也。爾旣以我歸，爲不嘉，則我不能旋濟矣。以
我視爾，拂人之情，實爲不善。我思終不可闕也。○章三
蕀生于阿丘，陟而采之。女子背母，寧忘故丘。我之所
思，未爲不善。蓋亦各有其道，而許人以我爲過，殆狂
少不諳事者耳。○章四我行曠野，麥生芄芄。今我歸衛，
行以亡國之苦，持告于大邦，誰爲我因，誰爲我至，故
不得已而親行耳。爾大夫君子，無徒以我行爲過。雖
爾尋思，百方不如我一女子所往耳。○走馬謂之馳。
策馬謂之驅。弔死曰弔。弔生曰唁。草行曰跋。水行曰

涉旋濟旋衛渡水也。閼秘通止也。丘之邊高者曰阿。丘蟲藥草一名貝母。芄芄盛貌。控持而告也。因因人先容也。極至也。至大國也。

載馳四章。二章章六句。二章章八句。○按舊本五章一章六句。二章三章各四句。四章六句。五章八句。朱子合二三章爲一章。以春秋傳魯叔孫豹賦載馳之四章。取控于大邦。誰因誰極之意。故改爲四章。今從朱

毛詩原解卷五終

毛詩原解

卷五

十三